



O Volapükafloso Valöpo!

Stom binon hitikum ka kösömiko e seko sig binon küpovik id in län at bi, samo, yeb no plu binon grünik e flifik, ab yelovik e deadik.

In tef at, tikob dö flen e kevoban lanälik Pontnau, kel atimo tävom in Togovän, kö hit binon gretik. Epenom obe anikna dö ventürs okik in Frikop; spelob, das pos lüköm oma lü Fransän, openom lartügi tefü tävs oka, dat kanobs tiko duggedön omi in län keinik at.

Ekö nulod gudik pro Volapük. Suno siämamäks Volapüka obinons gebidiks. Siämamäks at binädons me talaglöp su feled silablövik sirköfik. Löpo stanon vöd : **Volapük**; dono okanoy reidön spikedi Volapüka, sevabo : **Menefe bal, püki bal**. Sekü atos, okanobs nunön kesifanes obsik, das binobs Volapükafloso, e das pleidobs vemo dö atos.

Su pad lätik gasedila kanoy reidön lartügi brefik de Cifal. Tefon skemati patik ad gebön vödis. No binos fasilik, too binos mu frutik pro utans, kels vilons dagetön vödastoki gretikum. Cedob, das poedots rimik i yufons gebanis püka ad dunön otosi. Mutoy sukön vödis pötik ad atos, e sukölo onis, lärnoy vödis nulik ad liegükön vödastoki püka ön mod plitik.

Valikosi Gudikün Oles ed Olikanes

sedom

PÜK LÖFA

Fa hiel John Redgwell

Bü vigs anik flen Pontnau äsedom obe tidodemi dö Loxitānapük.

Nemoy püki at „Püki Löfa,” bi binon pük, me kel trubadurs, sevabo : löfapoedans, äpenoms poedotis okik.

Loxitānapük päspikon da topäd gretik Fransäna sulüdik. Jenöfo bü krig balid volik äbinon pük cifik dila at Fransäna. Fransānapük päspikon nemödiko us.

Ab tū tim presenik binon ti deadik. Läbo nited dö Loxitānapük emödikon dü yels lätik.

Tidoy oni dönu in juls e nivers, noe in Fransän, abi in läns votik, ninädü Yapän. Yapänans nitedälons dö pük, bi kuliv trubaduras binon rig kuliva Yuropa vesüdik.

In Fransän sulüdik mens anik spikons oni dönu ko famülans e flens as pük aldelik.

Ven äprimob ad dalilön kasätis tidodema, magäd balid obik püka äbinon : „Tonon äs Spanyānapük u Portugānapük.”

No binos süpäd, bi Loxitānapük binon pük romenik. Jenöfo sümon lü Katalonānapük.

Binādon me dialegs anik, se kels el Lengadocian (dialek ela Languedoc) e Provensal. Dialegs valik binons bevüsuemoviks e penasit binon nomik.

Mödikans kredons, das Loxitānapük binon dialeg Fransānapüka. Lenö! Binon pük patik, äs Katalonānapük. Dalabon kaladi lönik. Kanoy leigodön baiodi bevü Loxitānapük e Fransānapük ute bevü Deutānapük e Nedānapük. Mod, ma kel Loxitānans anik spikons Fransānapüki binon „dialek,” samo: anikna sagons : „Donne-moi **de** vin” pla „Donne-moi **du** vin.” Atos paflunon fa notodot Loxitānapükik : „Dona-me de vin.” Geb somik

in Loxitānapūk : „Dona-me del vin” sinifon : „Givolös obe vini (at),”
(sevabo : din patik, tefik). „Donne-moi de vin” binon geb dialega :
„Dona-me de vin.”

Binod Loxitānapūka binon nitedik. In tefs anik gramat ona
binon balugikum, ka ut Fransānapūka. Samo, no dalaboy pōnopi
leigū pōnop Fransānapūkik : „dont” (= kela/kelas). Plao geboy eli
„que” (= das) e ladyeki dalabik, samo: seti „Man, kela jimatan binof
sanān . . .” notoday as „Man, das jimatan omik binof sanān . . .”

Loxitānapūk binon pūk fākik. Sagoy : „In Loxitānapūk lad
kanon panotodōn so mōdo ās lanal.” Tuvoy suvo poyūmotis fākik,
noe ko nems, abi ko ladyeks, samo : kanoy sagōn, tefū cil : „Es
lasson,” (prony oni : „Es lasu”) ad sinifōn : „Binom fenik (cilūl
obsik, keli lōfobs).” „Las” sinifon „fenik.” Teloy konsonatī „s” fo
poyūmot fākik : -on, kel sinifon „-ül.” Ekō bo kod pluik, das nemoy
Loxitānapūki „Pūki Lōfa” !

Cedū ob, Loxitānapūk binon pūk jōnik ā nitedik, kel sōton
neai deadōn.

Hiel Zamenhof, datuval Sperantapūka, no āvilom, das pūk
bevūnetik plaādōn pūkis natik/topādik. Gūō! Ai ākuradūkom
menis ad lārnōn pūkis somik.

As spikans Volapūka, sōtobs, id obs, stūmōn pūkis valik e
yufōn ad lifūkōn utis, kels riskādons ad deadōn.

Finūkob lartūgi at me sagod Loxitānapūkik : „Êstre fièr de sa
lenga, es èstre fièr de se.” (= Pleidōn dō pūk okik sinifon pleidōn
dō ok it).

★ ★ ★ ★ ★ ★ ★ ★ ★ ★ ★ ★


VÖDS SAPIK

Flen, kel no vilon yufōn, pido,
dū tims badik, no binon flen dido!”




„Si! bi nun K ptena Grant
nin don v di : ‘laustral.’
V d at sinfon in Frans na-
p k : ‘sul dik.’ Ab v d
somik, o s ls oba, leduton
l  suemod : ‘Laustral n.’
Seko obs sukobs K pteni
Grant e kompan is oma
vaniko in Sul da-
Lamerik n. Te okanobs
tuv n om  in Laustral n!”

El Paganel tōbo esagom
atosi, kū bim pašlapon
fa leklār. Bim flamūlon.




Dabinons vo dināds, kels jinons
menes nemōgiks. Id is binos so.
Lōpo flams e dišo kaimans
biudiālīks.

Leviratep livūkon oki.
Bim sevulūkon e
pamopolon fa flumed.



„No osūpādos obi,
if nedrefobs!”



„So no osūpādol, if sagob,
das kanob loģōn lānedi;
i loģob hieļi Thalcave!”

BUKEMÖP DI BABEL (DIL TELID)

Dü lunüp äkredoy, das buks nesuemovik baiädons ko püks pasetik u fagik. Veratos, das mens vönädik, bukemöpans primik, gebons püki saidiko difik de ut, kel paspikon nutimo; i veratos, das mö liöls anik detio pük binon dialegik, e das teads züldeg löpio, binon nesuemovik. Atos valik, dönuob, binon veratik, ab pads foltumdeg elas M C V necenöl no kanons binön pük, kiodialegik u kioprimöfik binonöv. Anans ämobons, das tonat alik kanon flunön sökölis, e das völad ela M C V in kedet kilid pada 71 no äbinon otos, kelos kanon dalabön tonatas at in top votik pada votik, ab mob lufümik at no äplöpon. Votikans ätikons dö krüptografs; niludam at pedasumon valemiko, too no me sinif, me kel fomükons datuvans oni.

Bü yels lultum (2), cif mälliens löpik etuvom buki so kofudiki äs votiks, ab kel älabon padis te telis labü kedets homogenik. Äjonom tuvoti okik tradutane tävöl, kel äsagom ome, das pipenons in Portugänapük; ma votikans in Yudapük. Pos ti tumyel päsevon pük: dialeg samoyed-lietuvik Gvaranidapüka, labü yümots Larabänapüka klatädik. I ninäd päseumon: tidods dö diletam yümätik, labü sams sotülas dönuama nenmiedik. Sams at ädälons bukemöpane letälenik ad tuvön loni stabik Bukemöpa. Tikan at äküpom, das buks valik, kiodistöfiks äbinonsöv, binädons me dilets leigik: spadül, pün, liunül, lafabatonats teldegtel. Id älesagom bos, kelosi tävans valik efümükons: no dabinons in Bukemöp gianagretik buks tel ebo leigiks. Dese büoceds nedotovik at äkludom, das Bukemöp binon lölöfik, e das bukaboeds onik kipedons *yümätis mögik valik malas lotografik teldeglul* (num, do mu gianagretik, no nenfinik), ü *valikos, kelosi kanoy notodön in püks valik*. Valikos: jenav lölik fütüra, lifajenäds silananas, bukalised fiedik Bukemöpa, milats e milats bukalisedas dobik, blöf pöla bukalisedas at, blöf pöla bukaliseda veratik, gospul gnostik hiela Basilides, küpetem demü gospul at, küpetem demü küpetem at, bepen veratik deadama olik, tradutod kuratik buka alseimik ini püks valik, migs buka alik ko buks valik, bespik miteodema saxik, keli hiel Bede äkanom penön (ab no äpenom), buks peperöl hiela Tacitus.

Ven pästetos, das Bukemöp ninädon bukis valik, geükam balid äbinon läb nespalik. Mens valik äsenälons, das ädalabons divi natik ä

klänöfiki. No dabinson säkäd pösodik u volik, kela tuvedot lölöfik no binon tuvovik, in mälliens semik. Leval pigidükon, leval süpo ädageton mafotis nemmiedik spela. Ün tim et äspikoy mödo dö Pösodigidükams: buks plänama ä profeta, kels laidio ägidükons dunis mena alik levala ed äkipedons patikosi dö fütür onik. Milats labiälikanas älvons mälliens svidik lomik ed äjedons okis löpio sui tridems, dub zeil vanik tuva Gidükama okik pämufoköls. Pilgrimans at ädisputons in golöps nabik, äpronons maleditis nekleilik, äteifons odis su tridems godik, äjedons bukis pölüköl ini fin tönulas, ädeadons, fa mens se topäds fagik pijedöls. Votikans älienetikons . . . Pösodigidükams dabinsons (ob elogob telis, kels tefons menis fütürik, u ba pimagälöls), ab sukölans no ämemons, das mög, das men semik ötuvon okiki, u sotüli neverätik okika, pakalkulon as ser.

Ettimo id äspetoy tuvedi klänöfas stabik menefa, samo: rig Bukemöpa e tima. Binos luveratik, das klänöfs at kanons patuvedön me vöds; üf no saidon pük filosofanas, Bukemöp fomaliegik nendoto uprodon püki nesevädik zesüdik e vödebukis e gramatis püka at. Ya sis tumyels fol mens tevons da mälliens . . . Dabinsons sukölans calöfik, sukans. Ya elogob onis pö jäfid onis: ai kömons mükiks, spikons dö tridem nen stutöm, kel tio ädeidon onis, spikons dö lecems e tridems ko bukemöpan; lunomiko, sumons buki nilikün e padons oni pö suk vödas socenik. Klülös, das nek speton ad tuvön bosi.

Pos spel nemmiedik äkömon, äsä binos natöfik, nenkurad tumödik. Füm, das bukaboed semik in mälliens semik äkipedon bukis jeragik, e das buks jeragik at äbinons nedagetoviks, äjinon no sufidoviko. Grup blasfämik ämobon, das sukams östopons, e das mens valik ömigons tonatis e malis, jüs übumons, dub legivot neluveratik fädöfa, bukis veütikün at. Cifef pämuton ad lonön бүdis sevärik. Grup at änepubon, ab ün cilüp obik älogob bäldikanis, kels äklänedons okis in jiedöps, labü sirkotöls metalik in bovül päproiböls, e kels fibiko änätükons nenleodi godöfik.

(Konot fa hiel Jorge Luís Borges; tradutod fa hiel S. Meira)

